



MEMORIA

CONSORCIO PROVINCIAL DE PONTEVEDRA PARA A PRESTACIÓN DO SERVIZO CONTRA INCENDIOS E SALVAMENTO CONTA XERAL EXERCICIO 2021

1. Organización

1.2. Norma de creación.

Ao abeiro do establecido na Lei 5/1997, do 22 de xullo, de Administración Local de Galicia, artigo 196 e concordantes, así coma na demais lexislación vixente, e para dar cumprimento ao disposto nas disposicións adicional terceira e transitoria terceira da Lei 5/2007, do 7 de maio, de emerxencias de Galicia, constitúese o Consorcio Provincial de Pontevedra para a Prestación do Servizo contra Incendios e Salvamento, mediante *DECRETO 36/2011, do 17 de febreiro, polo que se aproba a constitución do Consorcio Provincial de Pontevedra para a Prestación do Servizo contra Incendios e Salvamento*, integrado pola Xunta de Galicia e a Deputación Provincial de Pontevedra, que terá a tódolos efectos a consideración de Administración pública (artigo 1 dos Estatutos do Consorcio Provincial de Pontevedra para a Prestación do Servizo contra Incendios e Salvamento, aprobados por Decreto 36/2011, do 17 de febreiro).

1.3. Acitividade, carácter, réxime xurídico, económico-financeiro e de contratación.

Obxecto: Constitúe obxecto do consorcio a execución das competencias do servizo público de prevención, extinción de incendios e salvamento, que se lles atribúen na lexislación vixente aos entes consorciados, mediante a xestión e coordinación e, de ser o caso, a creación dunha rede de parques que garanta a prestación homoxénea do servizo, por calquera das modalidades de xestión previstas na lexislación.

Entre os fins do consorcio estará a colaboración cos servizos municipais de protección civil dos concellos para o salvamento de persoas e bens, a prevención e extinción de incendios, a prevención e actuación ante calquera tipo de sinistro ou situación de risco e o asesoramento e asistencia, formación e información en materia de seguridade, que afecten persoas, edificacións e instalacións, así como o fomento da autoprotección.

O Consorcio Provincial de Pontevedra para a Prestación do Servizo contra Incendios e Salvamento inicia a súa actividade o 1 de xaneiro de 2012.

Carácter: O Consorcio Provincial de Pontevedra para a Prestación do Servizo contra Incendios e Salvamento, que ten a condición de entidade local non territorial, constitúese



voluntariamente e por un período de tempo indefinido. Ten carácter administrativo e personalidade xurídica propia e independente das entidades que o integran, así como capacidade xurídica para o cumprimento dos fins estatutarios.

Réxime económico financeiro: O Consorcio conta con patrimonio propio e desenvolverá a súa actividade conforme un orzamento independente.

Recursos do consorcio:

Para o cumprimento dos seus fins o consorcio disporá do seu propio orzamento que estará integrado polos seguintes recursos:

a) As achegas dos entes consorciados.

1. As achegas dos entes consorciados para sufragar os gastos ordinarios de funcionamento do consorcio efectuaranse da maneira seguinte:

-Xunta de Galicia: 50% do total do orzamento.

-Deputación Provincial de Pontevedra: 50% do total do orzamento.

2. Se durante o exercicio económico se producisen ingresos superiores aos previstos inicialmente no orzamento do consorcio, estes excesos serán dedicados, por criterio do Pleno, a actuacións adicionais ás previstas inicialmente, ou ben a minorar as achegas que lle corresponden ás partes consorciadas.

3. En todo caso, poderase acudir aos mecanismos previstos na lexislación vixente para obter a satisfacción das achegas en caso de que algunha das administracións consorciadas non achegasen en prazo a totalidade das cantidades a que veñen obrigadas por este artigo, e co fin todo isto de facer efectivas estas cantidades.

b) As subvencións e outros ingresos de dereito público.

c) As taxas, contribucións especiais e prezos públicos fixados de acordo coa lei.

d) Ingresos de dereito privado e os bens adquiridos polo consorcio que se integran no seu patrimonio.

e) O produto de operacións de crédito.

f) Calquera outro recurso que puidera serlle atribuído de acordo coa lexislación vixente.

Réxime xurídico: Sen prexuízo do establecido nos seus estatutos, entenderase tamén de aplicación, cando así proceda, o disposto na Lei 40/2015, do 1 de outubro, de Réxime Xurídico do Sector Público, así como o disposto tanto na normativa básica de réxime local, como na Lei de Administración local de Galicia, Lei de emerxencias de Galicia e demais normativa que, se é o caso, se dite no seu desenvolvemento.

O consorcio regulará o réxime interno e de funcionamento dos seus propios servizos, de acordo cos seus estatutos, coa lexislación do réxime local e do réxime xurídico das administracións públicas e do procedemento administrativo común e daqueloutras que lles sexa de aplicación.

Para o non establecido nas disposicións anteriores aplicarase a lexislación reguladora do



régime das entidades locais.

Adscrición: O Pleno do Consorcio Provincial de Pontevedra para a Prestación do Servizo contra Incendios e Salvamento, en sesión de data 10 de novembro de 2020, acordou, a adscrición do Consorcio Provincial de Pontevedra para a Prestación do Servizo contra Incendios e Salvamento no exercicio económico 2021 á Deputación Provincial de Pontevedra, de acordo co criterio de territorialidade, recollido no artigo 120, punto 2, letra h) da Lei 40/2015, do 1 de outubro, do Régime Xurídico do Sector público en concordancia co artigo 6 dos Estatutos do Consorcio Provincial de Pontevedra para a Prestación do Servizo contra Incendios e Salvamento, aprobados mediante Decreto 36/2011, de 17 de febreiro.

1.4 Principais fontes de ingresos

CONCEPTO	DERECHOS RECONOCIDOS NETOS	PORCENTAXE DE FINANCIAMENTO
Capítulo I Impostos directos	0,00	0
Capítulo II Impostos indirectos	0,00	0
Capítulo III Tasas e outros ingresos	1.991.513,40	50,82
Capítulo IV Transferencias correntes	1.927.000,00	49,18
Capítulo V Ingresos patrimoniais	0,00	0
Capítulo VI Enaxenación de inversións reais	0,00	0
Capítulo VII Transferencias de capital	0,00	0
Capítulo IX Pasivos financeiros	0,00	0
TOTAL	3.918.513,40	100

O Consorcio Provincial de Pontevedra para a Prestación do Servizo contra Incendios e Salvamento no exercicio 2021 financiouse nun 48,18% coas achegas da Deputación de Pontevedra e a Xunta de Galicia, nun 50,82% por taxas e outros ingresos, dos cales un 94,31% corresponde á taxa polo mantemento do servizo de intervención en emerxencias, un 4,32% por taxa pola prestación do servizo de intervención, un 0,07% por expedición de documentos administrativos, 0,71% reintegro de pagos indebidos de exercicios pechados, un 0,06% por intereses de demora, un 0,46 % por recargos en vía executiva e un 0,07% recursos eventuais.

1.6. Estrutura organizativa a nivel político e administrativo.

Está formada por:

Os órganos de goberno e de xestión do Consorcio son os seguintes:

- **Pleno**, integrado por:
 - * A persoa titular da Presidencia da Deputación Provincial de Pontevedra ou deputado/a en quen delegue.
 - * A persoa titular da consellería con competencia en materia de protección civil e xestión de emerxencias ou persoa en quen delegue.



- * Dous deputados/as da deputación provincial designados pola presidencia da Deputación.
- * Dous representantes da Xunta de Galicia designados pola consellería con competencias en materia de protección civil e xestión de emerxencias.
- **Presidencia**, elixida polo Pleno, por maioría absoluta do número legal dos membros do consorcio.
- **Vicepresidencia**, elixida polo Pleno, por maioría absoluta do número legal dos membros do consorcio.
- **Consello Asesor**, integrado por:
 - * Presidencia: titular da Presidencia do Consorcio ou membro do Pleno en quen delegue.
 - * Vicepresidente: titular da Vicepresidencia do Consorcio ou membro do pleno en quen delegue.
 - * O/a alcalde/sa ou persoa en quen delegue, en representación de cada concello onde se instalen os parques ou subparques que se integran no Consorcio.
 - * Dous representantes da Xunta de Galicia designados pola consellería con competencia en materia de atención ás emerxencias.
 - * Dous representantes da Deputación Provincial de Pontevedra designados pola súa Presidencia.
- Xerencia coa condición de persoal directivo.
- Funcionario/a con habilitación de carácter estatal.
- **Comisión Especial de Contas**, integrada por:
 - * Presidenta/e: presidenta/e do Consorcio, suplente vicepresidenta/e do Consorcio.
 - * Vocais:
 - Representante da Deputación Provincial e suplente
 - Representante da Xunta de Galicia e suplente

1.7 O número medio de empregados no exercicio 2021:

- Período xaneiro-maio:

<u>Concepto</u>	<u>nº medio</u>
FUNCIONARIA DE HABILITACIÓN ESTATAL	1
Secretaría-interventora (En réxime de acumulación de funcións)	

PERSOAL LABORAL ALTA DIRECCIÓN

1

Xerente (Contrato laboral de carácter especial de alta dirección ao amparo do previsto no Real Decreto 1382/1985, do 1 de agosto, polo que se regula a relación laboral de carácter especial do persoal de alta dirección)

- Período xuño-décembro:



APARTADO 1º: Persoal funcionario				
PERSOAL ADMINISTRATIVO				
GRUPO	NIVEL/CD	DENOMINACIÓN	NÚMERO	
	1	ESCALA HABILITACIÓN CARÁCTER ESTATAL (En réxime de acumulación de funcións)		
A1	1.1	SUBESCALA SECRETARIA-INTERVENCIÓN		
		SECRETARIO/A-INTERVENTOR/A	1	

APARTADO 2º: Persoal directivo (Contrato de alta dirección celebrado ao abeiro do R.D. 1382 de 1 de agosto)	
N.º POSTOS	DENOMINACIÓN
1	XERENTE

APARTADO 3º: Persoal laboral (INDEFINIDO NON FIXO/INTERINIDADE)	
N.º POSTOS	DENOMINACIÓN
3	XEFE DE PARQUE
20	XEFE DE QUENDA-CONDUCTOR
50	BOMBEIROS

2. Xestión Indirecta/Directa de Servizos Públicos

2.1. Servizo público de intervención en emerxencias:

O servizo público de intervención en emerxencias, que constitúe o obxecto do Consorcio Provincial, xestionase de forma indirecta, mediante concesión administrativa.

Segundo se establece no artigo 5º.2 dos seus Estatutos, constitúe o obxecto do consorcio a execución das competencias de **servizo público de prevención, extinción de incendios e salvamento**, que se lles atribúe na lexislación vixente aos entes consorciados, mediante a xestión e coordinación e, de ser o caso, a creación dunha rede de parques que garanta a prestación homoxénea do servizo, por calquera das modalidades de xestión prevista na lexislación.

2.2. Xestión indirecta.

O Consorcio Provincial de Pontevedra, ao abeiro das Disposición adicional e Disposición transitoria, inicia o 1 de xaneiro de 2012 o seu funcionamento cos parques comarcais do Salnés, do Morrazo e do Baixo Miño-Condado-Louriña, previa disolución e integración dos Consorcios comarcais.

A tal efecto e para mantela continuidade da prestación deste servizo público, o Pleno do Consorcio Provincial de Pontevedra, en sesión celebrada o día 30 de decembro de 2011, acorda que o Consorcio Provincial se subroga en todos os dereitos e nas obrigas que se deriven dos contratos coa empresa xestora dos servizos prestados polos consorcios comarcais que se integran no provincial e a súa prórroga ata o 15 de agosto de 2012, prorrogándose, mediante Resolución presidencial ratificada polo Pleno do Consorcio en sesión de data 16 de agosto de 2012, os contratos subscritos coas empresas CELTA



PRIX, S.L., empresa adxudicataria da xestión do servizo de intervención nas emerxencias dos Consorcios comarcais do Morrazo e das Comarcas de Baixo Miño-Condado e Louriña, e UTE SALNÉS (XACIA INVERCON-S.L.-CELTA PRIX, S.L.), empresa adxudicataria da xestión do servizo de intervención nas emerxencias do Consorcio comarcal de O Salnés, nas mesmas condicións actuais, ata o inicio da xestión do servizo de intervención nas emerxencias do Consorcio Provincial de Pontevedra para a prestación do Servizo Contra Incendios e Salvamento e que abrangue aos Parques de bombeiros de Bueu, O Porriño, Ribadumia e Vilagarcía de Arousa polo contratista que resultara adxudicataria no proceso licitación en marcha.

O Pleno do Consorcio Provincial de Pontevedra para a Prestación do Servizo contra Incendios e Salvamento, en sesión de data 4 de marzo de 2013, adxudica o contrato da xestión indirecta, mediante concesión administrativa, do servizo de intervención en emerxencias con ámbito provincial, dependente do Consorcio Provincial de Pontevedra para a Prestación do Servizo contra Incendios e Salvamento á empresa MANTENIMIENTO DE INFRAESTRUCTURAS, S.A. - MATINSA, S.A., con CIF nº A80173115 polo prezo ofertado que ascende ás seguintes cantidades:

	SEN IVE	IVE	CON IVE
Mensual	181.295,96 €	38.072,15 €	219.368,11 €
Anual:	2.175.551,52 €	456.865,82 €	2.632.417,34 €
En oito anos	17.404.412,16 €	3.654.926,55 €	21.059.338,71 €

E unha duración inicial do contrato será de 8 (oito) anos.

O Pleno do Consorcio Provincial de Pontevedra para a Prestación do Servizo contra Incendios e Salvamento, en sesión de data 30 de outubro de 2018, acordou estimar a pretensión da empresa adxudicataria do restablecemento do equilibrio económico do contrato, baseada na modificación do réxime de cotización do plus de transporte en virtude da Disposición final terceira do Real Decreto-lei 16/2013, de 20 de decembro, de medidas para favorecer a contratación estable e mellorar a empregabilidade dos traballadores, que ascende a 31. 253,49 €/anuais

E En congruencia co anterior, e en virtude do artigo 282.5 do TRLCSP, efectua-la conseguinte modificación no prezo do contrato suscrito coa empresa concesionaria da xestión do servizo de intervención en emerxencias quedando cifrado o prezo do contrato na cantidade de:

	SEN IVE	IVE	CON IVE
Mensual	183.900,42 €	38.619,09 €	222.519,51 €
Anual:	2.206.805,01 €	463.429,05 €	2.670.234,06 €

O Pleno do Consorcio Provincial de Pontevedra para a Prestación do Servizo contra